

SECTION

3

OKASA MMARA



OKASA DWUMADIE

Okasa Mmara

NNIANIMU

Asemfua biara firi asemfuakuo bi mu. Ofa yi mu, yeβesua biribi afa nsemfuakuo akeseε a enonom ne edin, edin nkyerekyeremu, adeye ne okyerεfoε. Se wote nsemfuakuo ase a, etumi ma wohunu asemfua biara dwumadie.

Adesua yi beko awieεε no, na adesuafoε no tumi:

- i. Kyekye edin mu ko edin ahodoε mu (se ebia, dinpa, dinhunu, edin a yenhunu, edin a yehunu, ne deε ekeka ho).
- ii. Kyekye edin nkyerekyeremu mu ko edin nkyerekyeremu ahodoε mu (se ebia, oyikyere nkyerekyeremu, akontabudeε nkyerekyerε ne sukyere nkyerekyeremu) na wode aye okasamu ahodoε.
- iii. Kyekye adeye mu ko fa-oyetia, amfa-oyetia ne fa-oyetia mmienu.
- iv. Kyekye okyerεfoε mu ko okyerεfoε ahodoε mu (se ebia, yebea, beaeε, eberε, anooden, dodoε, ampaye/akyinnyegyee).

Adwempε Ahodoε

Edin ye ahyensodeε a yede ma adeε biara. Yeβetumi akyekye edin mu ako dinpa, dinhunu, edin a yehunu ne edin a yenhunu. Akontabudeε ye nkyerekyeremu a yede ma edin a yetumi kan anaa edin a yede akontabudeε toto ho a eye yie. Sukyere nkyerekyeremu nso kyerekyerε sedeε edin bi si tee poteε. Nkasaeε nkyerekyeremu ye nkyerekyeremu a eba edin a ekyerεkyere mu no akyi. Adeye ye asemfua anaa nsemfua a ekyerε deε oyεfoε bi reye anaa tebea a obi wom. Adeye ahodoε mmiensa nonom ne fa-oyetia, amfa-oyetia ne fa-oyetia mmienu. Okyerεfoε kyerekyerε adeye, edin nkyerekyeremu enna okyerεfoε foforo mu. Yetumi kyekye okyerεfoε mu ko akuo ahodoε mu se ebia, yebea kyerefoε, beaeε kyerefoε, eberε kyerefoε, dodoε kyerefoε, anooden kyerefoε ne ampaye/akyinnyegyee kyerefoε.

ADESUA YI MU NSENTITIRE

Montena akuakuo na ma wɔntwere nneema edu a ɛwɔ sukuu dan no mu ne dee ɛnni sukuu dan no mu edin. Afei, twere nsemfua mmienu a ɛfa *atenka* a wonyaa wɔ abɔnten ne wo sukuu dan mu no ka dee woatwere dada no ho. Nneema a wo kuo no twereɛɛ no ne dee akuo afoforɔ no nso twereɛɛ no ye adekorɔ anaa?

Ɛdeɛn ne edin?

Edin ye ahyensodeɛ a yede ma onipa, beaɛɛ, mmoa anaa adeɛ bi. Edin no bi nso ye adwenkyerɛ, tebea anaa atenka bi.

Edin ahodoɔ

Din pa

Din paye edin a yede ma onipa, beaɛɛ anaa adeɛ pɔtee bi a ɛye ɔbɔadeɛ-nsaanodwuma anaa ɔdasani-nsaanodwuma. Yede atweredeɛ akeseɛ na ɛhye dinpa ase a ɛmfa ho ne beaɛɛ a ɛhye wɔ ɔkasamu bi mu. Nhwesɔ ahodoɔ no mu bi na edidi sɔɔ yi:

Nnipa din: Kyei, Fosu, Esinam, Adole, Iddrisu, Wakil, Kofi, Akuba, Yeboa, ne dee ekeka ho.

Mmeaɛ din: Afadjato, Accra, Winneba, Tamale, Nungua, Homase, Asuoho-Ankaase ne dee ekeka ho.

Enna a ɛwɔ nnawɔtwe mu din: Kwasiada, Edwoada, Benada, Wukuada, ne dee ekeka ho.

Abosome a ɛwɔ afe mu din: Oforisuo, Kɔtonimma, Ayewohomumɔ, Ɔsannaa, Ahinime, Ɔpenimma ne dee ekeka ho.

Nnwumakuo ahodoɔ din: Ɔkɔmfo Anɔkye Ayaresabea, Jubilee House, University of Education, ne dee ekeka ho.

Asuo ahodoɔ edin: Asuo Pra, Asuo Firaw, Asuo Densu, Asuo Ankonbra, ne dee ekeka ho.

Dinhunu

Yei ye edin a yede ma ‘nneema ahodoɔ’ bi a enye titire, tebea, atenka anaa nneyeɛ bi. Yemfa atweredeɛ keseɛ nni dinhunu biara ɛkan gye sɛ edi ɔkasamu bi anim. Yetumi de oyikyere, akontabudeɛ anaa edin nkyerekyeremu bata ho. Eho nhwesɔ no mu bi ne pen, nwoma, pensere, efie, ɛdan, apataa, ɛtoa, gyaade, sekan.

Edin a yenhunu

Yei ye nsemfua a eda nsusuiɛ bi anaa adeɛ bi a yemfa yen ani nhunu adi. Yei gyina ho ma nneema bi a yenhunu na yeso mu nso a enye yie. Etaa kyerekyere nkatedee, nsusuiɛ ne atenka. Yei ho nhwesoo no mu bi ne anigyee, odo, awereho, eyadie, nokore, nyansa, ne dee ekeka ho.

Edin a yehunu

Yei ye edin a yede ma nneema a yehunu na yeso mu nso a eye yie. Yeinom ye nneema a atwa yen ho ahyia wo asase yi so a yehunu. Yei ye nneema a yetumi. Yei ho nhwesoo no mu bi ne eboɔ epono, mpa, nsuo, dotee, sankuo, twene, esono, ne dee ekeka ho.

Dwumadie 1

Kyekye edin ahodoɔ a edidi soɔ yi mu ko dinpa, dinhunu, edin a yehunu ne edin a yenhunu. Kyere senti a woyee no saa.

- i. okyerekyerefoɔ
- ii. epono
- iii. odo
- iv. Araba
- v. Adu
- vi. anigyee
- vii. nkabom
- viii. akonnwa
- ix. mframa
- x. eboɔ

Dwumadie 2

- i. Kyekye adesuafoɔ no mu akuakuo na ma wonkyere edin ahodoɔ a ewo abasem a ewo efam ho no mu.

ii. Kyekye edin ahodoɔ a wonyaee no mu ko edin akuo ahodoɔ enan a ewo efam ho no mu:

edin a yehunu

dinhunu

dinpa

edin a yenhun

iii. Fa edin ahodoɔ a wohunuiɛ no mu biara ye okasamu tiawa se ebia. Me *mpaboa* no sua.

Me Kurom Dwa mu Mpasatuo

Beaee bi wo me kurom a ehɔ ye bagyabagya a yefre ho edwam. Ehɔ ye anigyebea a nnipa hyia a ebinom tontɔn nneema ahodoɔ enna ebinom nso tɔ. Wobetumi anya nneema bi te se nnuaba ahodoɔ ne atosodee, afadee, nkuaba ne nneema ahodoɔ a yede di dwuma wo efie nyinaa bi wo ho.

Nnawɔtwe awieeɛ biara no, me ne mabusuafoɔ ko edwam ho kɔdi edwa. Se yereye aduru ho a, mete se adetɔnfoɔ rebɔ won adetɔnnee ho dawuro ne adetɔfoɔ nso a wɔnenam edwa no mu bagyabagya redi edwa dee eye den.

Adee a medi kan hunu wo edwam ho ye nnuaba ne atosodee a wɔahyehye no fefeeɛ wo apata ahodoɔ mu. Nneema no mu bi nso ne ankaa a eye de yie, kwadu a abere ne borɔfere a agyegyee a eye fe. Nnɔbaee foforo a wɔde aba edwa no mu ho hua no gyegyee edwa no mu ho nyinaa na emaa me ho peree me se meko akɔtoto emu dee eye me akɔnnɔ no bi.

Bio, yekɔnenamm sotɔ ahodoɔ a wɔtɔn afadee ne nneema ahodoɔ nso mu. Mehunuu hyeete, sekete ne mponporannee ahodoɔ a eye fe yie. Na eye me anigye se mehwehwe mpaboa ahodoɔ a wɔahyehye no mu ahunu dee metɔ de akɔka dee mewɔ dada no ho.

Yekɔ so ara kyinkyinii edwam ho no, yekɔhunuu sotɔ ahodoɔ bi a na wɔtontɔn nkuaba ne kɔnnuadee ahodoɔ fefe bi. Afei nso na enneema a yede gyegyee nkwadaa agoro ahodoɔ bi te se baaluu, buroniba ne dee ekeka ho nyinaa bi wo ho. Sedee na nkwadaa binom ani agye nneema a wɔde di agoro ahodoɔ a na wɔahyehye wo edwam ho no ho ye me anigye keke.

Ne korakora no, yekɔduruu beaee a wɔtontɔn nneema a wɔde di dwuma ahodoɔ wo efie. Eha yi no, na yehunu nkukuo ne nsereba ahodoɔ a yenoanoa mu wo gyaade ne samina ahodoɔ yede si nneema ne nneema ahodoɔ a yede siesie yen afiafie mu. Me maame tɔ adee bi a yehia a, na me nso magye asoa.

Yeβetoa yen adesua a efa edin ahodoɔ ho no so.

Edin a ɛkyerɛ ekuo

Yei nso ye edin a ɛgyina ho ma ekuo bi. Ekuo no betumi aye nneema, mmoa anaa nnipa. Yei ho nhwesoo no mu bi ne nkukuo, esa, saka, eduro, edom, asafo, ekuo, sukuu, abusua, kuro ne dee ekeka ho. Edin a ɛkyerɛ ekuo biara ye baakofoɔ emfa ho se ɛgyina ho ma nnipa, nneema anaa mmoa ahodoɔ bi.

Dwumadie 3

Montena baanu baanu na wɔmpɛ edin a ɛkyerɛ ekuo ho nhwesoo enum enum nka dee yeaboboɔ din dada no ho. Ma wɔne wɔn mfefoo nkye wɔn mmuaee ahodoɔ no.

Hwe okasamu ahodoɔ a ewo fam ha yi, na kyere edin ahodoɔ a wɔasensan asee no mu dee yetumi kan ne dee yentumi nkan.

- Eɔa mu dwumadie ahodoɔ akyiri no, **mmɔfra** no dedaa hatee.
- Hwe yie! **Asuo** no mu do.
- Na **odumgya ahyen** ne apolisifoɔ ahyen di santene no mu bi.
- Yere nsuo **ntoa** akeseɛ no.
- Onipa a onoa aduane ma me no de **sraɔee** papa na eto keeki no.
- **Mmarahyebadwafoo** dodoɔ sen na wɔn ho behia ansa na wɔatumi ahye mmara bi?
- Mmɔfra dodoɔ no ara pe **nufosuo** gye Yaw.
- Wode **ntwoma** na aye nkukuo no mu dodoɔ no ara.
- Ofosu ne Anima tumi bo **asankuo**.
- Obre dodoɔ nti, medii **twakoleti** adaka baako.

Ne tiawatwam ne se, yetumi kyekye edin ahodoɔ mu ko akuo ahodoɔ akeseɛ mmieniu a enonom ne edin a yetumi kan ne edin a yentumi nkan. Edin a yetumi kan ye edin yetumi kan no mmaako mmaako anaa yede akontabudeɛ toto ho a, eye yie (Se ebia. pen, atadeɛ, pensere, sikaboto, papa, kyiniie, amango, ankaa, ne dee ekeka ho.). Edin a yentumi nkan ye edin a yede ma biribi a yekan no mmaako mmaako a enye yie anaa yede akontabudeɛ toto ho a, enye yie. Eho nhwesoo no mu bi ne ngo, emo, nsuo, amannebo, ne dee ekeka ho. Ahwiedee ne edin a yenhunu nyinaa ye edin a yentumi nkan.

MMOAKYIRE NSEMMISA

1. Fa wánkasa nsemfua kyerekyere edin mu.
2. Yiyi deɛ ɛdidi soɔ yi mu biara ho nhwesoɔ enum enum firi abasem a ɛwɔ fam ha yi mu;
 - i. Nnipa din
 - ii. Ɛda a ɛwɔ nnawɔtwe mu din
 - iii. Beaeɛ pɔtee bi din
 - iv. Edin a yetumi kan

Kofi tuu ekwan kɔɔ kuro bi a na ɛben nákuraa. Okɔɔ Benada. Kuro a ɔtuu kwan kɔɔ so no ne Nkran.

Nkran ye kuro bi a ɛhɔ ye fe a adan atenten ne ntiantia ahodoɔ a eye fe wowɔ hɔ. Kofi ani gyee mmorosoo. Yei ne ɛda a ɛdi ekan a Kofi baa kuro yi mu. Okɔɔ sotɔɔ keseɛ bi mu kɔtotɔɔ nneema bi te se baage, mpaboa , wɔɔkye, belete, hyeete ne deɛ ekeka ho. Na náni nhyeda nnye Nkran asetena ho esiane nneema boɔ a na eye den nti, ɔkaa ntam se ɔrentena kurom hɔ da.

3. Fa wánkasa nsemfua kyerekyere edin ahodoɔ yi ase na ma emu biara ho nhwesoɔ mmienu mmienu. Fa nhwesoɔ no mu biara ye okasamu tiawa mmiensa na ene wo mfefoo nkye.
 - i. edin a yehunu
 - ii. edin a yenhunu
 - iii. edin a yentumi nkan
 - iv. edin a ekyere ekuo

MMOAKYIRE NSEMMISA A EFA EDIN HO NO HO MMUAEE

1. (Mmuabee ho adwenkyere) Edin ye ahyensodee a yede ma onipa, beaee bi, aboa anaa adee bi.

Yebetumi aka se, edin ye ahyensodee a yede ma nneema a atwa yen ho ahyia.

2.
 - i. Onipa din: Kofi
 - ii. Eda bi a ewo nnawotwe mu: Benada
 - iii. Beaee potee bi din: Nkran
 - iv. Kuropon, akuraa, kuro, beaee, adan, afiafie, sotoo, nneema, baage, mpaboa, wookye, belete hyeete, eboo
3.
 - i. (Mmuabee ho adwenkyere) Edin a yehunu ye edin a yetumi hunu na yeso mu nso a, eye yie.

ANAASE

Edin a yehunu ye nneema a eda adi wo anisoa na yetumi nso so mu ma eye yie. Nhwesoo; sikaboto, nnua, nwi, gyeene, akonnwa, krataa ne dee ekeka ho.

- ii. Edin a yenhunu ye nimdee, adwenkyere, tebea anaa atenka.

ANAASE

Edin a yenhunu ye nneema bi a yemfa yen ani nhunu na yeso mu nso a, enye yie. Nhwesoo; boaseto, odo, ayamyee, anigyee, ne dee ekeka ho.

Edin a yentumi nkan ye edin a yede ma nneema a yekan no mmaako mmaako anaa yede akontabudee toto ho a, enye yie.

Edin a ekyere ekuo ye edin a yede gyina ho ma nnipa, nneema ne mmoa ahodo.

Seesei, woasua biribi afa edin ne edin akuo ahodo ho. Afei, ma yensua biribi mfa edin nkyeremyemu ho.

Ɛdeɛn ne edin nkyerɛkyerɛmu?

Montena akuakuo na ma wɔntwerɛ nsemfua ahodoɔ mmiensa a wɔde bekyerɛkyerɛ saa nneɛma anaa nnipa yi mu;

- Wo sukuu dan
- Wádámfo pa
- Wákonnwa/ɛpono
- Sɛdeɛ wo sukuu mu ho asetena si tee

Edin nkyerɛkyerɛmu yɛ asemfua anaa nsemfua a yɛde kyerɛkyerɛ edin mu. Edin nkyerɛkyerɛmu yɛ asemfua anaa nsemfua a yɛde kyerɛkyerɛ esu ahodoɔ a ɛwɔ onipa anaa adeɛ bi ho. Edin nkyerɛkyerɛmu ho nhwɛsoɔ no mu bi ne ahahammono, tuntum, akokɔsradeɛ, fitaa, tiatia, tenten, fɛfɛ, kuhaa, kɛsɛɛ, ketewa, teatea, anigyɛɛ, awerɛhoɔ, nyansa, nokorɛ, ne deɛ ɛkeka ho. Deɛ ɛdidi soɔ yi yɛ akwan ahodoɔ a wɔafa so de edin nkyerɛkyerɛmu adi dwuma ho nhwɛsoɔ.

- i. Mepɛ efie *dada*.
- ii. Abarimaa no yɛ *tenten* ɛna ɔyɛ *teatea*.
- iii. Akua yɛ *onyansafoɔ* sene ne nuabarima no.

Ɔkasamu (i) mu no, asemfua *dada* no kyerɛkyerɛ efie pɔtee a ɔkasafɔɔ no pɛ. Ɔkasamu (ii) mu no, nsemfua *tenten* ne *teatea* no kyerɛkyerɛ sɛdeɛ abarimaa no bɔbea si tee. Ɔkasamu (iii) mu no nso, yɛde asemfua *onyansafoɔ* no yɛ ntotoho wɔ Akua ne ne nuabarima ntam de hunu wɔn mu deɛ ɔnim nyansa.

Edin nkyerɛkyerɛmu ahodoɔ

Edin nkyerɛkyerɛmu gu ahodoɔ nanso emu deɛ wobɛsua ɛho adeɛ no na ɛdidi soɔ yi;

- Oyikyɛɛ nkyerɛkyerɛmu
- Akontabudeɛ nkyerɛkyerɛmu
- Sukyɛɛ nkyerɛkyerɛmu
- Ntotoho nkyerɛkyerɛmu

Ɛha yi no, wɔde oyikyɛɛ nkyerɛkyerɛmu (yi, no, yeinom, ɛnonom) di dwuma sɛ nkyerɛkyerɛmu ɛfiri sɛ ɛka biribi pɔtee fa adeɛ a ɛkasa fa ho no ho de yi no kyɛɛ. Hwɛ nhwɛsoɔ a ɛwɔ aseɛ ha yi:

- a. Kaa yi yɛ mono.
- b. Afie *yeinom* yɛ maame no dea.
- c. Mpaboa *no* yɛ me papa dea.

- d. Akua reto kaa *yeinom*.

Ntotoho nkyerekyeremu

Yenam yei so de nnipa anaa nneema mmienu bi toto ho. Saa ntotoho nkyerekyeremu yi ho nhwesoo no mu bi ne ketewa sene, tenten kyen, kesee sene, tuntum kyen, kookoo sene, gramoo sene, ne dee ekeka ho. Yede ntotoho nkyerekyeremu ho nhwesoo adi dwuma wo okasamu ahodoo a edidi soo yi mu:

- a. Aduane yi ye *fo sene* nkyene.
- b. Amma ye *onyansafo kyen* Kofi.
- c. Kaa no ye *fitaa sene* sakere no.
- d. Dua no ye *tenten kyen* edan no.

Akontabudee nkyerekyeremu

Edin nkyerekyeremu yeinom kasa fa nnipa anaa nneema bi dodoo ho. Akontabudee nkyerekyeremu ye nkyerekyeremu adwuma efiri se eka biribi fa nnipa anaa nneema bi dodoo patee ho. Hwe nhwesoo a edidi soo yi:

- a. Metoo apono *mmiensa* wo edwam ho.
- b. Onoaa nkosua *mmienu* maa me.
- c. Ohia asikyire nnaka *nkron*.
- d. Yewo sumiie *baako* wo yen dan mu.

Sukyerε nkyerekyeremu

Sukyerε nkyerekyeremu ye nkyerekyeremu a eka biribi fa edin bi su anaa ne tebea ho. Sukyerε nkyerekyeremu taa da adi wo okasamu mu sene nkyerekyeremu nkaee no. Hwe nhwesoo a ewo fam ha yi:

- a. Kaa no ye *dada*.
- b. Mewo nwoma *ketewa*.
- c. Aduane no ye *akonnō*.
- d. Mehunuu kaa *keseε* wo kurom.

Dwumadie

1. San kohwe nsemfua a wohunuu wo adesua yi ahyeasee no mu. Kyekye nsemfua no mu ko oyikyere, akontabudee anaa sukyerε nkyerekyeremu mu. Fa edin nkyerekyeremu ahodoo no mu biara ho nhwesoo no bi ka ho.
2. Kenkan abasem a ewo fam ho no na hwehwe edin nkyerekyeremu ahodoo a ewowom no. Kyekye edin nkyerekyeremu a woahunu no mu ko

oyikyerε, akontabudeε ne sukyerε nkyerεkyerεmu mu na wone wáfεfo nkyε.

Ansa na akokɔ rebɔn ne mprensa soɔ saa anɔpa no, na nnipa a wɔwɔ kuro kumaa Alata mu no akɔbɔ dɔmpem retwɛn ɔhene no. Na adehyee no nyinaa furafura afadeε fitaa.

Na wɔde ntoma fitaa abobɔ wɔn nsa a wɔnhyehye mpaboa.

Na wɔahyia hɔ rebeyi wɔn ɔhene no aye. Abakɔsem kyere se, tete hɔ no, ɔhene a ɔte akonnwa so seesei no nana bi yeε adeε nwanwasoɔ bi de boaa nnipa a wɔwɔ kuro kumaa no mu. Ɔtwitwa gyee wɔn wɔ bere a awia ketekete bi wɔn mfuɔ nyinaa hyehyeeε maa ekɔm kɛsee a ekum ɔkɔtɔ too anwea pradadaa soɔ te sii kuro kumaa no mu. Ekɔm dee nnipa a na wɔwɔ kuro kumaa no mu maa wɔtotɔɔ baha a wɔn anidasoɔ nyinaa saeε.

Saa ɔhene yi nana no na ɔkɔfaa aduane a enye kumaa firii n’afuom de maa nnipa a na wɔwɔ kuro kumaa no mu diie. Saa adeε no nti, kuromma no sii no ɔhene de hyee no animuonyam. Afe biara mu no, na wɔkɔsra no de kyere wɔn anisɔ wɔ adeε kɛsee a ɔye maa wɔn no ho.

Sedeε εda adi wɔ nhwesɔɔ ahodoɔ a εwowɔ fam hɔ no, sukyere nkyerεkyerεmu no tumi ba edin no akyi wɔ nkasaε no mu wɔ bere a εtoa adeye “ye” so.

- a. Efie no ye *ketewa*.
- b. Wɔɔkye a εbɔ wo no ye *fε*.
- c. Amango a wordi no ye *kɔkɔɔ*.
- d. Dua a mehunuie no ye *tenten*.

Saa sukyere nkyerεkyerεmu yi nso tumi ba edin a εkyerεkyere mu no akyiri pεε. Borɔfo Kasa mu no, εba edin no anim nanso Asante Twi mu deε, εba edin a εkyerεkyere mu no **akyi** sedeε yehunu no wɔ nhwesɔɔ a εwowɔ fam ha yi mu no:

- a. Efie *ketewa* no nie.
- b. Mehunuu dua *tenten* wɔ hɔ.
- c. Me maame tɔɔ wɔɔkye *fεfε* maa me.
- d. Yedi amango *kɔkɔɔ* da biara.

MMOAKYIRE NSEMMISA

1. Kyekye edin nkyerɛkyerɛmu a ɛwɔ fam hɔ no mu kɔ nkyerɛkyerɛmu akuo ahodoɔ no mu na wone wáfɛfoɔ nkyɛ wo mmuaɛɛ no. Ekuo biara nkyerɛkyere senti a wɔyɛɛ wɔn mmuaɛɛ no saa.

- i. ahoɔfɛ
- ii. tenten
- iii. dɛ
- iv. akɔnnɔ
- v. ɛfa
- vi. kɔkɔɔ
- vii. atirimuɔden
- viii. bruu
- ix. denden
- x. ɛno
- xi. saa
- xii. mmiɛnsa
- xiii. bi

2. Kenkan abasɛm yi yie na bua nsemmisa a ɛdidi soɔ no.

- i. Kyerɛkyere edin nkyerɛkyerɛmu a ɛwowɔ abasɛm no mu nyinaa.
- ii. Kyekye edin nkyerɛkyerɛmu a woahunu no mu kɔ nákuo ahodoɔ no mu.
- iii. Fa akuo ahodoɔ no mu biara ho nhwesɔɔ enum enum ye ɔkasamu.

John tuu kwan kɔsraa ne nuabarima panin wɔ kuro kɛsɛɛ mu dɛɛ edi kan koraa. Eberɛ a ɔsi firii lɔɔre mu no, sɛdɛɛ na kuro no mu ye fɛ no maa n'ani gyee yie pa ara. ɔhyɛɛ aseɛ hwɛɛ adan atenten, akwan fɛfɛ ne sɛdɛɛ nnipa si redi akɔneaba no. Dɛɛ John hunuiɛ no maa ne werɛ firii sɛ ɔbefrɛ ne nuabarima panin no ama no abɛfa no afiri ahyɛngyinabea hɔ akɔ efie. Prɛkɔpɛ, n'ani baa ne ho so maa ɔyii náhomatonomfoɔ dada firii ne baage tuntum mu de hyɛɛ aseɛ frɛɛ ne nuabarima no. ɔkaɛɛ Immediately, he remembered, John pulled his old phone from his black

bag and began to call his brother. Ansa na ne frɛ no bɛkɔ awieɛɛ no, kaa fitaa bi begyinaa beaɛɛ a na John gyina hɔ baabi. John nwenweneɛɛ, buee kaa no pono a ɛdi kan no enna ɔtenaa mu. Esiane sɛ na ɛfiri dee John gyina hɔ rekɔ baabi a ne nuabarima panin no tee ye basafa dunum pɛ nti no, ankyɛre koraa na wɔn baanu duruu ɛfie. John gyee nàhome wieɛɛ no, wɔde aduane akɔnnɔ-akɔnnɔ bi bɛmaa no akwaaba.

Εδεεη ne adeye?

Εδεεη na woyee no aṅpa yi? Tweretwere dee woyeee no nyinaa.

Εδεεη na wosusu fa nneema ahodoṅ a wosua wṅ wo sukuu mu no ho? Tweretwere wo nsusue no nyinaa.

Hyee no nso se, wo ne wáfefoṅ bekye wo nsusue ahodoṅ no.

Adeye ye asemfua anaa nsemfua a ekyere dee oyefoṅ bi reye. Adeye san tumi ye asemfua anaa nsemfua a ekyere tebea a oyefoṅ bi wom (se ebia; tu, so, ware, nyini, hua, di, dṅ, si, som, hwe, hunu, pe, ne dee ekeka ho).

Adeye tumi ba okasamu mu a ewṅ oyetia anaa enni oyetia mu. Yetumi kyekye adeye mu nya fa-oyetia, amfa-oyetia ne fa-oyetia mmienu.

Fa-oyetia

Fa-oyetia ye adeye a efa edin a edi dwuma se oyetia di nákyi wṅ okasamu mu. Yei ho nhwesṅ no mu bi ne noa, nom, ka, sa, di, twere, boro, ne dee ekeka ho. Eho nhwesṅ no bi na yede aye okasamu wṅ fam ha yi:

1. Okyerekyerefoṅ no *noaa* emo.
2. Adesuafoṅ no *saa* nsuo.
3. Kofi ne Adwoa *di* fufuo.
4. Akwadaa *tṅ* nnuaba.
5. Akwantufoṅ no *foroo* kaa no.

Nsemfua a yeakyeakyea no wṅ okasamu no mu nyinaa ye fa-oyetia. Oyetia ahodoṅ no nyinaa ba adeye no akyi. Nhwesṅ 1 mu no, oyetia a ewom no ne *emo*, enna nhwesṅ (5) mu no, oyetia a ewṅ mu no ne *kaa*.

Amfa-oyetia

Yei nso ye adeye a edin a edi nákyi no nni dwuma se oyetia – saa adeye yi nhia oyetia ansa na nteasee ada adi wṅ okasamu mu. Asemfua anaa nsemfua a edi saa adeye yi akyi no taa ye okyerefoṅ anaa adeye boafṅ. Saa adeye yi ho nhwesṅ no mu bi ne firi, kṅ, te, nante, su, wu, da, didi, kasa, sa, hram, nyini, ne dee ekeka ho. Eho nhwesṅ no mu bi na ewṅ fam ha yi:

1. Abarimaa no *hram* aṅpa biara.
2. Anomaa no *tu* ntemntem.
3. Osuani no *firi* Asuoho-Ankaase.

Adeye a yeakyeakyea no wo okasamu no mu nyinaa ye amfa-oyetia. Nhwesoo 1, 2 ne 3 mu no, nsemfua a eba saa adeye no mu biara akyi no ye okyerefoo na enye oyetia.

Adesua a efa okyerefoo ho no beba akyire yi.

Fa-oyetia mmienu.

Fa-oyetia mmienu ye adeye a efa edin mmienu a baako di dwuma se oyetia na baako nso di dwuma se ogyefoo. Oyetia no ne edin anaa dinnsiananmu a oyefoo no dwumadie ho nsunsuansoo ko ne so. Bio, ogyefoo no ne edin anaa dinnsiananmu a egye adee a oyefoo no de ma no. Fa-oyetia mmienu ho nhwesoo no mu bi ne *ma*, *kye*, *twerε*, *ne deε ekeka* ho. Eho nhwesoo na ewo fam ha yi:

1. Awofoo no *maa* akwadaa no paanoo.
2. Okyerekyerefoo *kye* adesuafoo no sika.
3. Ofosu twerεε *Barima* Kyei krataa.
4. Obaa no *kyεε* nadamfo no mpaboa
5. Akosua *ma* Amma aduane.

Nhwesoo 1 mu no, ogyefoo no ne *akwadaa* enna oyetia no nso ne *paanoo*. Nhwesoo 4 mu no, ogyefoo no ne *adesuafoo* enna oyetia no ye *sika*.

Dwumadie 1

1. Edeen ne adeye? Fa wankasa nsemfua kyerekyere mu.
2. Kyerekyere adeye akuo ahodo mmiensa no mu biara mu tiawa.
3. Kyekye adeye a edidi soo yi mu ko fa-oyetia, amfa-oyetia ne fa-oyetia mmienu mu wo bere a wode (√) rehyehye adaka a efata mu:

Adeye	Fa-oyetia	Amfa-oyetia	Fa-oyetia mmienu
bu	√		
ma			√
sese			
to			

Adeye	Fa-oyetia	Amfa-oyetia	Fa-oyetia mmienu
kenkan			
sa			
nante			
kye			
twere			
pia			
hram			

Dwumadie 2

Wo ne wo yonko nkenkan abasem a ewo fam ho no. Hwehwe adeye a ewo mu no nyinaa na kyekye mu ko fa-oyetia, amfa-oyetia ne fa-oyetia mmienu. Se mowie a, monka mmom mfa adeye a moahunu no mu beye enum nye okasamu. Se ebia, *Anka na mepɛ se mesua adeɛ kyere.*

Na ekwan a efiri asuo no agya de rekɔ n'agya no mmoro basafa aduonum, nanso anka na mepɛ se meborɔ asuo a emu do na ani ye korogyee beye kwansini baako anaa deɛ eborɔ saa. Na osusu se adenkyem wo asuo no mu.

Meyee krado se meresi asuo no mu no, mede me etuo hyee m'anom kaa me se sii so boɔ mpaee te sii nsuo a atekye wom no mu. Meboroo te se obi a oresua asudwaree foforo. Na asorokye no ano nye den saa enna na nsuo no mu aye dedeɛdedeɛ kakra nanso na hu aka no, eno nti na ontumi mmoro asuo no nko ntem.

Oboroo asuo no duruu mfimfini no, mpofrem na ohunuu se asuo no mu aye tia. enam so maa me koko kotwii atekye-kokoɔ bi wo asuo no mu. Na mesusu se eye adenkyem, ebaa saa no, etuo no gye firii m'ano.

Menantee asuo no mu basafa kakra na mekopuee beaee a ehɔ do bio. M'ani baa me ho so no, na maduru asuo no agya. Mede ahoporoɔ foro koɔ asuo no kokoɔ so. Metumi twaa asuo no deɛ nanso na mahwere m'akodeɛ.

Ɖedeɛ ne Ɖkyerefoɔ?

Hwe mfonini a ewo fam ho no. Sen na wɔresi tu mmirika no? Eyɛ eda no mu eberɛ ben? Beaeɛ ben na dwumadie no rekɔ soɔ? Aden nti na saa dwumadie no rekɔ soɔ?



Ɖkyerefoɔ yɛ asemfua anaa nsemfua a ekyerɛkyere adeye mu wo okasamu mu. Ɖkyerefoɔ tumi san kyerɛkyere ɔkyerefoɔ foforo mu. Dwene sedee wosi nante koo sukuu enne no ho, na eyɛ brɛɛ, ntem anaa ntemntem? Ebetumi aba se wonantee ntemntem koo sukuu. Asemfua *ntemntem* no kyere sedee wosi nante koo sukuu faee ne saa nti, eyɛ ɔkyerefoɔ. Ɖkyerefoɔ nkyekyemu ahodoɔ no gyina sedee esi kyerɛkyere adeye a ekyerɛkyere mu no so. Nkyekyemu ahodoɔ nonom ne: yebea kyerɛfoɔ, beaeɛ kyerɛfoɔ, eberɛ kyerɛfoɔ, dodoɔ kyerɛfoɔ, anoɔden kyerɛfoɔ ne ampaye/akyinnyegyee kyerɛfoɔ.

Yebea kyerɛfoɔ

Saa ɔkyerefoɔ yi kyerɛkyere ekwan a ɔyefoɔ no fa so yɛ biribi anaa sedee dwumadie bi si ko so fa mu. Eho nhwesoɔ na edidi soɔ yi:

1. Osuani no nantee *ntemntem* koo sukuu.
2. Bɔɔlobɔfoɔ no bɔɔ bɔɔlo no *brɛɛ*.
3. Adwontofoɔ no too dwom no *bɔkɔɔ*.
4. Anomaa no tuu *shareso*.

Beaee kyerefoɔ

Beaee kyerefoɔ ka biribi fa beaee pɔtee a dwumadie bi kɔ so anaa ɔyefoɔ bi ye biribi ho. Eho nhwesoo no mu bi na edidi soɔ yi:

1. Adesuafoɔ no gynyagyna *abɔnten*.
2. Kwasi ne Adwoa Badu reda wɔ *aborosan no so*.
3. Adesuafoɔ no toto nkrataa gugu *baabiara*.
4. Adwoa Badu firi *Asankragwa*.

Ebere kyerefoɔ

Ebere kyerefoɔ nso ka biribi fa ebere pɔtee a dwumadie bi kɔ so anaa ebere pɔtee bi a ɔyefoɔ bi ye biribi ho. Eho nhwesoo wɔ okasamu mu na edidi soɔ yi:

1. Adesuafoɔ no twereɛ sɔhwe no *nnora*.
2. *Enne*, yebedi yen awiabere aduane wɔ adwuma mu.
3. Yebeye nhyiamu *anɔpa nnɔnkron*.

Dodoɔ kyerefoɔ

Yei nso kyere mpen dodoɔ a dwumadie bi kɔ so anaa mpen dodoɔ a ɔyefoɔ bi ye adwuma bi. Saa okyerefoɔ yi tumi di okasamu anim anaa akyi nanso okyerefoɔ ahodoɔ no mu kakra bi na etumi di okasamu anim, mfimfini anaa akyire. Dodoɔ kyerefoɔ ho nhwesoo no mu bi ne afeafe, mprenu, mprensa, prekope, da, ebere biara, nnawɔtwe-nnawɔtwe, da biara ne dee ekeka ho. Eho nhwesoo no mu bi na edidi soɔ yi:

1. Wɔhye fa *afeafe*.
2. *Da biara*, yedidi
3. Yenkwɔ ho *da*.
4. Wɔhye nkwadaa nkuran se wɔntwitwi wɔn se *ebere biara*.
5. Meba ha *nnawɔtwe-nnawɔtwe*.

Okasamu a ewowɔ esoro ho no mu no, dodoɔ kyerefoɔ a ewowɔ mu nonom ne *afeafe*, *da biara*, *da*, *ebere biara* enna *nnawɔtwe-nnawɔtwe*. Nhwesoo (2) mu no, okyerefoɔ *Da biara* di okasamu no anim. Nhwesoo (5) mu no nso, okyerefoɔ *nnawɔtwe-nnawɔtwe* di okasamu no akyi.

Anoɔden kyerefoɔ

Saa okyerefoɔ yi ye asemfua anaa nsemfua a ekyerekyere adeye anaa okyerefoɔ foforo bi mu de kyere sedee dwumadie bi ano den si tee anaa sedee ɔyefoɔ bi dwumadie ano den si tee. Eho nhwesoo no mu bi ne yie, pa ara, pasaa, dwerɛbee,

se, dodo, defedefe, ne dee ekeka ho. Eho nhwesoo no mu bi na edidi so wo fam ho no:

1. Maame no kasa *dodo*.
2. Wopraa edan no mu *yie*.
3. Na ne mmodemmo no so ani *se*.
4. Ababaawa no yee aberantee no *defedefe*.

Ampayε/Akyinnyegyεε

Saa okyerεfoɔ yi ka biribi fa dwumadie bi a ensi pi anaa oyεfoɔ bi a nɔdwene ye no ntanta wo dwumadie bi ho. Eho nhwesoo no bi ne ebia, dabre, gyama, seseε, ne dee ekeka ho. Eho nhwesoo wo okasamu mu na edidi so wo fam ha yi:

1. *Ebia* Barima Kyei beko Asuoho-Ankaase.
2. *Dabre* wadi nkonim wo sohwε no mu.
3. *Gyama* Adwoa Badu wo efie.
4. *Seseε* ekom nne Ofosu ne Anima.

Dwumadie 1

San dwene dwumadie a edi kan wo adesua no mu no ho. Wobetumi anya okyerεfoɔ ahodoɔ akyerεkyere dwumadie ahodoɔ a ereko so wo mfonini no mu mu. Gyina okyerεfoɔ akuo a woasua no so na kyekye okyerεfoɔ ahodoɔ a wohunuie no mu. Afei montena baanu baanu na momfa okyerεfoɔ no nye okasamu enum mfa dwumadie a ereko so wo mfonini no mu no ho.

Dwumadie 2

1. Kyerεkyere twaka a εda okyerεfoɔ ne adeye ntam na wo ne wo afεfoɔ nkyε wo mmuaεε no.
2. Kyerεkyere okyerεfoɔ akuo ahodoɔ no mu na ma emu biara ho nhwesoo mmiensa mmiensa.
3. Fa akuo no mu biara ho nhwesoo mmienu mmienu ye okasamu.
4. Kyekye okyerεfoɔ ahodoɔ a edidi soɔ yi mu ko okyerεfoɔ akuo a woasua no mu na kyere senti a woyεε no saa.
 - i. ntemntem
 - ii. yie

- iii. brɛɛ
- iv. nnora
- v. da
- vi. sɛ
- vii. afeafe
- viii. dodo
- ix. defedefe
- x. anɔpa

Dwumadie 3

Hwehwɛ okasamu ahodoɔ no mu na kyere okyerɛfoɔ ahodoɔ a wɔde adi dwuma wɔ emu biara mu. Afei, yiye okyerɛfoɔ enum anaa deɛ ɛboro saa firi okyerɛfoɔ ahodoɔ a wohunuie no mu na wo ne wáfefoɔ nkyɛ adwene wɔ ho.

1. Adesuafoɔ no de wɔn adwenkyere to dwa da biara.
2. Ahomatonomfoɔ no kɔ so fre ɛbere biara.
3. Nnipa no nyinaa kɔ abɔnten.
4. Mate abasem no pen.
5. Gyama ɔnnim no.
6. Woreka loɔre no basabasa.
7. Da biara, meye deɛ metumi.
8. Ebia na ɔreka nokore.
9. Yɛpɛɛ ɔhaw no pomasibre ntem.
10. Aberewa no kasa dodo.
11. Nkwadaa no di agoro pa ara.
12. Adɛn nti na woda so wɔ ho?
13. Wɔhyɛ fa afeafe.
14. Menhyiaa bi da.
15. Ɔponkɔ no tu mmirika bubububu.

MMOAKYIRE NSEMMISA

Ofa A: Adeye

1. Nsonsonoe ben na e da adeye a ekyere dwumadie ne dee ekyere tebea ntam?
2. Hwehwe adeye a ewo abasem a ewo fam ho no mu nyinaa na fa wo mmuaee no toto wafefoo dee ho:

Mekoo mpoano no, metuu mmirika, mehurie enna mesaa wo epo asorakyee no mu. Owia no baa pa ara maa me ho woe na me ho sisii me ho so. Meboroo epo nsuo no boboo bi guie, enna medii agoro wom wo bere a na mede anigyee renwenwene. Asunoma no tu faa ewiem, na wosu baa won ntaban mu papapapa. Meboaboa mpoano anwea ano maa eyee esie tenten na mede mpoano aboo ne nwatonturowa siesiee ho fefefe. E da no koo nanim no, metuu mpasa de faa epo no ano na mehunu nneema bi a na asuma a me were remfiri eho asem da biara da.

3. Kyekye adeye a wohunuu wo abasem a ewo esoro ho no mu ko adeye akuo mmiensa a woasua ho adee no mu.

Ofa B: Okyerefoo

1. Twere dwuma ahodo bi a wotaa di no da biara na kyerekyere ekwan a wofa so di no, eberere koroo ptee a wodi no, beaee ptee a wodi no ne senti a wodi saa dwuma ahodo no kyere wafefoo.
2. Twere okyerefoo ahodo a wafefoo de dii dwuma no na kyekye mu ko okyerefoo akuo no mu.
3. Fa nsemfua beye aduonum (50) twere abasem fa ewiem nsakraee ne nnipa a wotete wo mpotam ho no ho. Fa okyerefoo edu (10) anaa dee eboro saa di dwuma wo wabasem no mu.

MMጋAKYIRE NSEM̄MISA NO HO MMUAEE

ጋfa A:

- 1) (mmuaee ho adwenkyere) Adeye a ekyere honam ano dwumadie ahodoጋ enna adeye a ekyere tebea nso kyere tebea, atenka ne adwenkyere.
- 2) Adeye ahodoጋ a eጋa adi wጋ abasem no mu no ne kጋጋ, tuu, huruie, saa, bጋጋ, maa, woee, sisii, boroo, bobጋጋ, guie, dii, renwenwene, tu, faa, su, boaboa, yee, de, siesiee, hunuu, asuma, remfiri.

Fa-ጋyeta	Amfa-ጋyeta	Fa-ጋyeta mmienu
hunu	kጋጋ	maa
bጋጋ	saa	
huruie	woee	
boroo	sisii	
bobጋጋ	guie	
dii	renwenwene	
de	tu	
remfiri	faa	
	tuu	
	asuma	

ጋfa B

- 1) Adeye a ebetumi apue wጋ wo dwumadie no mu no bi ne didi, dware, sጋre, kasa ne dee ekeka ho. ጋkyerefoጋ ahodoጋ nso a ebetumi apue wጋ wo dwumadie no mu bi ne ntemntem, ntem, bree, nyaa, ebia, gyama, dabre, pa ara, da biara, ne dee ekeka ho.
- 2) Nsonsonoe ebetumi aba wo ne wafefoጋ mmuaee no mu.
ጋkyerefoጋ akuo no nso ebetumi aye yebea, eberre, dodoጋ, ne dee ekeka ho.

3) Akenkanssem ho nhwesoo:

Enne, ewiem nsakrae no ye *pa ara*. Owia rebo *dendeenden*. Nkwadaa no wo abonten redi agoro *anigyeeso*. Wonom nsuo *mpen pii* esiane ewiem hyee nti. Nnipa no mu bi ko mpoano kodware epo mu. Ebinom nso nante *anihaso* wo epo no ano enna ebinom nso di ahurisie *anigyeeso* wo epo no mu. Ebinom nso rete fifire *pa ara* wo owia kataban so. Mpanimfo no te ho dinn rehwe nkwadaa a woredi agoro *anigyeeso* no enna mmaa mpanimfo no nso retan nsuo ma nnipa *anibereeso*.

EXTENDED READING

Adomako, K., Odoom, J. and Sackitey, M. (2023). *Akan kasa nhyehyɛɛ wɔ Asante Twi mu*. Adonai Publications Limited (Topic on verbs, nouns and adjectives)

Amegashie, S.K. (2004). *Evegbe ɲɔɲɔ*. Victus Printing Services.

Fromkin, V. & Rodman, R. & Hyams, N. (2007). *Introduction to Language* (Eighth edition). Thomson Wadsworth. (topic on verbs, adverbs, nouns and adjectives)

Joshi, M. (2021). *Nouns in the English Language: Types and examples*. Manik Joshi. (Topic on nouns)

Thakur, D. (1998). *Linguistics simplified: Syntax*. Bharati Bhawan. (open word class which are nouns adjectives, verbs and adverbs)

REFERENCES

Haspelmath, M. (2001). Word classes and parts of speech. *In International Encyclopedia of the Social and Behavioral Sciences* (pp16538-16545). Doi:10.1016/Bo-08-043076-7/02959-4

Lier, E. V. (2024). *The Oxford Handbook of Word Classes*. Oxford University Press.

Miguel, J. M. G. (2015). *Transitivity and word classes*. <https://doi.org/10.1075/ivitra.9.13gar>

Prempeh, A. A. (2021). *Asante Twi Nyansapɔ*. Premsco Publications.

Simone, R. & Masini, F. (eds). (2014). *Word classes (Current Issues in Linguistic Theory)*. John Benjamins Publishing Company.

ACKNOWLEDGEMENTS



Ghana Education Service (GES)

